

«BIOKIMYO» AJ
акциядорларининг 2022 йил 29 июндаги
Умумий йиғилиши қарори билан

«ТАСДИҚЛАНГАН»

Умумий йиғилиш Раиси А.Тугизбаев
М.Ў.

**«BIOKIMYO»
AKSIYADORLIK JAMIYATINING**

**Саноқ комиссияси тўғрисидаги
Н И З О М И
(янги таҳрири)**

М У Н Д А Р И Ж А

1. Умумий қоидалар	3
2. Саноқ комиссиясини ташкил этиш.	3
3. Саноқ комиссиясининг вазифалари.	3
4. Овоз бериш якунлари бўйича баённома. Овоз бериш натижаларини эълон қилиш.	4

1. Умумий қоидалар

1.1. Мазкур Низом «BIOKIMYO» Aksiyadorlik jamiyatining (бундан буён матнда Жамият деб юритилади) Санок комиссияни ташкил этиш, унинг вазифаларини белгилайди.

1.2. Мазкур Низом Ўзбекистон Республикасининг 2014 йил 6-майдаги 370-сон «Акциядорлик жамиятлари ва акциядорлар ҳуқуқларини ҳимоя қилиш тўғрисида» Қонуни (бундан буён матнда Қонун деб юритилади), акциядорлик жамиятлари фаолиятининг самарадорлигини ошириш ва корпоратив бошқарув тизимини такомиллаштириш комиссияси йиғилишининг 2015 йил 31 декабрдаги 9-сон баённомаси билан тасдиқланган “Корпоратив бошқарув кодекси” (бундан буён матнда Кодекс деб юритилади) ҳамда Жамият Уставига мувофиқ ишлаб чиқилган.

1.3. Санок комиссияси ўз фаолиятини қонунчилик, Устав ва ушбу Низомга асосида амалга оширади.

1.4. Санок комиссияси ўзига юклатилган вазифалар бўйича мустақил, доимий фаолият юритувчи акциядорларнинг умумий йиғилиши ишчи органи ҳисобланади.

1.5. Санок комиссиясининг фаолияти билан боғлиқ қайсидир масалалар Қонун, Устав ва ички корпоратив ҳужжатлар, шу жумладан, ушбу Жамият Устави билан тартибга солинмаган бўлса, ушбу масалалар акциядорларнинг Умумий йиғилишида иштирок этиш ҳуқуқини максимал даражада таъминлаш заруриятидан келиб чиқиб, Санок комиссияси томонидан ҳал этилиши лозим.

2. Санок комиссиясини ташкил этиш

2.1. Санок комиссияси Кузатув кенгаши томонидан ташкил этилади. Санок комиссиясининг миқдорий ва шахсий таркиби акциядорларнинг Умумий йиғилишида беш йил муддатга тасдиқланади.

2.2. Санок комиссияси камида **уч** нафар кишидан, шу жумладан Раис ва Санок комиссияси аъзоларидан иборат таркибда тузилади.

2.3. Санок комиссиясини ташкил этиш муддати Кузатув кенгаши томонидан белгиланади. Санок комиссияси номуайян муддатга ва янги Санок комиссияси тузилгунча бўлган муддатга тузилиши мумкин.

2.4. Санок комиссиясига акциядорлар (уларнинг вакиллари), шунингдек, Жамиятнинг ходимлари киришлари мумкин. Санок комиссиясига Кузатув кенгаши аъзолари, ревизия комиссияси аъзолари, Бошқарув аъзолари, ишончли бошқарувчи, шунингдек, ушбу лавозимларга номзоди кўрсатиладиган шахслар кириши мумкин эмас.

2.5. Санок комиссиясига амалий кўмак кўрсатиш ёки унинг функциясини бажариш учун мустақил экспертларни жалб этиш мумкин (масалан, инвестиция маслахатчиси ёки қимматли қоғозлар бозорининг бошқа профессионал иштирокчиси).

2.6. Жамият Санок комиссияси таркибига сайланган шахслар чекланмаган марта қайта сайланишлари мумкин.

2.7. Санок комиссиясининг алоҳида ваколатлари ёки бутун Санок комиссияси таркибининг ваколатлари Кузатув кенгашининг қарори билан муддатидан олдин бекор қилиниши мумкин.

3. Санок комиссиясининг вазифалари

3.1. Санок комиссиясининг вазифаларига қуйидагилар киради:

акциядорларнинг Умумий йиғилишида иштирок этиши учун қайд қилиш рўйхатини тузиш;

ваколатларни текшириш ва шахсларни акцидорлар Умумий йиғилишида иштирок этиши учун рўйхатга олиш;

акцидорлар Умумий йиғилишининг кворумга эга эканлигини аниқлаш;

акциядорлар (уларнинг вакиллари) томонидан Умумий йиғилишда овоз бериш ҳуқуқини амалга ошириши билан боғлиқ масалалар бўйича тушунтириш бериш;
овозга чиқариладиган масалалар бўйича овоз бериш тартибини тушунтириш;
овоз бериш учун бюллетенлар ва акциядорлар Умумий йиғилишнинг бошқа материалларини бериш, берилган бюллетенларнинг ҳисобини юритиш;
умумий йиғилишда иштирок этган шахсга шундай шахс ҳисобидан ўзи тўлдирган бюллетень нусхасини олиш имконини бериш;
овоз беришнинг белгиланган тартибини ва акциядорларнинг овоз беришда иштирок этиш ҳуқуқларини таъминлаш;
бюллетенларини йиғиш, овозларни ҳисоблаш ва овоз бериш натижаларини чиқариш;
овоз бериш якунлари бўйича баённома тузиш;
овоз бериш натижаларини эълон қилиш;
овоз бериш бюллетенларини Жамият архивига топшириш.

4. Овоз бериш якунлари бўйича баённома. Овоз бериш натижаларини эълон қилиш

4.1. Овоз бериш якунлари бўйича акциядорлар умумий йиғилишида Санок комиссияси овоз бериш натижалари бўйича ўзининг аъзолари томонидан имзоланадиган баённома тузади.

4.2. Овоз бериш натижалари бўйича баённома акциядорлар умумий йиғилиши ёпилиши билан дарҳол тузилиши лозим.

4.3. Овоз бериш натижалари бўйича баённома икки нусхада тузилади.

4.4. Овоз бериш натижалари бўйича баённомада қуйидагилар белгиланади:

акциядорлар умумий йиғилишини ўтказиш санаси, вақти ва жойи;
акциядорлар – жамиятнинг овозга эга бўлган акциялари эгалари эга бўлган овозларнинг умумий сони;

умумий йиғилишда иштирок этувчи акциядорлар эга бўлган овозлар сони;

йиғилиш қворуми;

овозга қўйилган масалалар ва улар бўйича овоз бериш натижалари, йиғилиш томонидан қабул қилинган қарорлар;

4.5. Овоз бериш якунлари тўғрисидаги баённома акциядорлар умумий йиғилишининг, шу жумладан ахборот-коммуникация технологияларидан фойдаланган ҳолда масофадан туриб ўтказиладиган умумий йиғилишининг қворуми мавжудлиги ҳақидаги маълумотни ўз ичига олади.

Овоз бериш якунлари тўғрисидаги баённома тузилганидан ва акциядорлар умумий йиғилишининг баённомаси имзоланганидан кейин акциядорларнинг қоғоздаги ёки электрон жисмдаги овоз бериш бюллетенлари санок комиссияси томонидан муҳрланади ва жамият идоравий архивига сақлаш учун топширилади.

4.6. Овоз бериш натижалари бўйича баённома (иккинчи нусхаси) акциядорлар Умумий йиғилиши баённомасига тикиб қўйилади.

4.7. Акциядорлар Умумий йиғилиши томонидан қабул қилинган қарорлар, шу жумладан овоз бериш якунлари Қонун ва Жамият Уставида белгиланган тартибда ва муддатларда, бироқ ушбу қарорлар қабул қилинган кундан бошлаб ўттиз кун ичида акциядорларга маълум қилинади.

Овоз бериш якунлари Акциядорлар Умумий йиғилишида эълон қилинади, шунингдек, қонунчиликда назарда тутилган муддатда овоз бериш натижалари бўйича ҳисоботни нашр қилиш йўли билан Акциядорлар Умумий йиғилиши ёпилганидан сўнг акциядорларга маълум қилинади.